

1. IFZ ESKATZEA (PERTSONA FISIKOAK)

<u>Atala</u>	<u>Orrialdea</u>
<u>1.1.</u> <u>ESPAINIAKO NAZIONALITATEA</u>	5
<u>1.1.1.</u> <u>ESPAINIAKO LURRALDEAN EGOILIARRA</u>	5
<u>1.1.1.1.</u> <u>14 urtetik beherakoa (K20)</u>	5
<u>1.1.1.2.</u> <u>14 urtetik gorakoa (NANa)</u>	5
<u>1.1.2.</u> <u>ESPAINIAKO LURRALDEAN EZ-EGOILIARRA</u>	6
<u>1.1.2.1.</u> <u>Badu NANa indarrean</u>	6
<u>1.1.2.2.</u> <u>Ez du NANrik indarrean (L20)</u>	6
<u>1.2.</u> <u>ESPAINIAKO NAZIONALITATERIK GABE</u>	7
<u>1.2.1.</u> <u>Badu AIZ indarrean</u>	7
<u>1.2.2.</u> <u>Ez du AIZrik indarrean (M20)</u>	7

1.1. ESPAINIAKO NAZIONALITATEA

1.1.1. ESPAINIAKO LURRALDEAN EGOILIARRA

1.1.1.1. 14 urtetik beherakoa (K20)

Adingabeek Poliziaren Zuzendaritza Nagusian eskuratu dezakete NANA, hala nahi izanez gero, edo, bestela, Zerga Administrazioari eskatu diezaioke behin-behineko IFZ bat emateko, K letraz hasiko dena, Barne Ministerioak emandako NANA lortu arte.

Gipuzkoako Foru Ogasunari zuzenean eskatze bazeo adingabearen egoitza fiskala lurralde horretan dagoelako, honako hauek **aurkeztu** beharko ditu:

- 030 eredu, behar bezala beteta eta legeko ordezkariak sinatuta ([Jaitsi eredu](#))
- Legezko ordezkariaren IFZ (aita edo ama edo legeko tutorearena).
- Familia liburua edo adingabearen jaiotza agiria (familia liburuaren kasuan, bi orrialde hauek: liburuaren titularra edo titularrak zein diren erakusten duena, eta IFZ zein seme-alabarentzat eskatzen den adierazten duena).
- Erantzukizunpeko adierazpena, legeko ordezkariak sinatua, adingabeari aurrez IFZ zenbakirik ez zaiola esleitu esan behar duena.

Aurkezteko lekua, jarraibideak eta bestelako datuak: kontsultatu [030 Gipuzkoa](#)

14 urtetik beherakoak zerga izaerako edo zerga ondorioak dituzten harremanetan identifikatzeko, adingabearen datuak agertu beharko dira, IFZ barne, bai eta haren legeko ordezkariarenak ere ([47/2013 FDa](#)ren 26. artikuluko 3. apartatua).

Gipuzkoako Foru Ogasunak zuzenean ematen duen IFZk balioa izango du titularrak NANA lortu arte. **Lortzen duenean, Gipuzkoako Foru Ogasunari jakinarazi behar dio, bi hilabeteko epean gehienez, emateen zaionetik aurrera.** Horretarako, 030 eredu aurkeztu behar du, eta, bertan, Poliziaren Zuzendaritza Nagusiak esleitutako NANA adierazi. Hori egindakoa, identifikazio fiskaleko datuak aldatuko zaizkio ([47/2013 FDa](#)ren 28. artikulua).

1.1.1.2. 14 urtetik gorakoa (NANA)

Espainiako nazionalitatea duten pertsona fisikoen IFZ beren Nortasun Agiri Nazionalak (NANak) duen zenbakia da, Barne Ministerioak ematen duena.

Pertsona horrek NANA badu eta Gipuzkoako Foru Ogasuneko Zergapekoen Erroldan alta emanda ez badago, alta eskatu beharko du, eta honako hauek aurkeztu:

- 030 eredu, behar bezala beteta eta interesdunak edo legeko ordezkariak sinatuta ([Jaitsi eredu](#))
- NANA

Aurkezteko lekua, jarraibideak eta bestelako datuak: [030 Gipuzkoa](#)

1.1.2. ESPAINIAKO LURRALDEAN EZ-EGOILIARRA

1.1.2.1. *Badu NANA indarrean*

Bere Identifikazio Fiskaleko Zenbakia Nortasun Agiri Nazionalaren zenbakia izango da.

Gipuzkoako Foru Ogasuneko Zergapekoen Erroldan alta emanda ez badago, alta eskatu beharko du, eta honako hauek aurkeztu:

- 030 eredua, beteta eta interesdunak edo behar bezala ahaldundutako ordezkariak sinatuta ([Jaitsi eredua](#))
- NANA
- Egoitza atzerrian duela frogatzen duen agiria

Aurkezteko lekua, jarraibideak eta bestelako datuak: [030 Gipuzkoa](#)

1.1.2.2. *Ez du NANrik indarrean (L20)*

Atzerrian bizi diren herritar espainiarrek ez dute NANrik eduki behar Espainiara sei hilabetetik beherako epe baterako etortzen badira, salbu eta zerga izaerako edo zerga ondorioak izango dituen eragiketa bat bertan egin behar dutenean.

Kasu horretan, bere borondatez lortu dezakete NANA, kontuan hartuta Nortasun Agiri Nazionala (NAN) lehen aldiz eskuratzea edo berritzea Espainian bakarrik egin daitekeela, Polizia Nazionalak nortasun agiria emateko dituen bulegoetako batera interesduna bertaratuta.

NANA lortzen ez badu, eta eragiketa Gipuzkoan egitekoa bada, L letraz hasitako IFZ bat emateko eskatu ahal izango dio Gipuzkoako Foru Ogasunari.

Kasu horretan, honako hauek aurkeztu beharko ditu:

- 030 eredua, beteta eta interesdunak edo behar bezala ahaldundutako ordezkariak sinatuta ([Jaitsi eredua](#))
- Espainiako pasaporte, indarrean
- Egoitza atzerrian duela frogatzen duen agiria
- Erantzukizunpeko adierazpena, interesdunak edo behar bezala ahaldundutako ordezkariak sinatua, interesdunari aurrez IFZ zenbakirik ez zaiola esleitu esan behar duena.
- Zerga izaera edo zerga ondorioak dituen eragiketaren justifikazioa

Aurkezteko lekua, jarraibideak eta bestelako datuak: [030 Gipuzkoa](#)

Gipuzkoako Foru Ogasunak zuzenean ematen duen IFZk balioa izango du titularrak NANA lortu arte. **NANA geroago lortzen edo berritzen badu, Zerga Administrazioari jakinarazi behar dio bi hilabeteko epean gehienez, hura lortzen edo berritzen denetik aurrera** ([47/2013 FDaren](#) 28. artikulua).

1.2. ESPAINIAKO NAZIONALITATERIK GABE

1.2.1. BADU AIZ INDARREAN

Identifikazio Fiskaleko Zenbakia Atzerritarren Identifikazio Zenbakia izango da.

Gipuzkoako Foru Ogasuneko Zergapekoen Erroldan alta emanda ez badago, alta eskatu beharko du, eta honako hauek aurkeztu:

- 030 eredua, beteta eta interesdunak edo behar bezala ahaldundutako ordezkariak sinatuta ([Jaitsi eredua](#))
- AIZren txartela

Aurkezteko lekua, jarraibideak eta bestelako datuak: [030 Gipuzkoa](#)

1.2.2. EZ DU AIZRIK INDARREAN (M20)

Espainiako nazionalitaterik ez duten herritarrek ez badute AIZ zenbakirik, M letraz hasitako IFZ bat emateko eskatu ahal izango diote Gipuzkoako Foru Ogasunari, salbuespen gisa eta justifikatuta, Gipuzkoan zerga izaerako edo zerga ondorioak dituzten eragiketak egin behar dituztenean.

Kasu horretan, honako hauek aurkeztu beharko ditu:

- 030 eredua, beteta eta interesdunak edo behar bezala ahaldundutako ordezkariak sinatuta ([Jaitsi eredua](#))
- Jatorrizko nazionalitatearen pasaporteak
- Egoitza atzerrian duela frogatzen duen agiria
- Erantzukizunpeko adierazpena, interesdunak edo behar bezala ahaldundutako ordezkariak sinatuta, interesdunari aurrez IFZ zenbakirik ez zaiola esleitu esan behar duena.
- Zerga izaerako edo zerga ondorioak dituen eragiketaren justifikazioa

Aurkezteko lekua, jarraibideak eta bestelako datuak: [030 Gipuzkoa](#)

Gipuzkoako Foru Ogasunak zuzenean ematen duen IFZk balioa izango du titularrak AIZ lortu arte. **IFZ geroago lortzen badu, Gipuzkoako Foru Ogasunari jakinarazi behar dio, bi hilabeteko epean gehienez, hura lortzen edo berritzen denetik aurrera.** Horretarako, 030 eredua aurkeztu behar du, eta, bertan, Poliziaren Zuzendaritza Nagusiak esleitutako NANA adierazi. Hori egindakoa, identifikazio fiskaleko datuak aldatuko zaizkio. ([47/2013 FD](#)ren 28. artikulua).